

Barrio Fest Savaneta cu su baluartenan



ORANJESTAD(AAN)—E siguiente Barrio Fest lo ta na Centro di Barrio Dakota mientras cu esun recién tabata na Savaneta y a resulta masha exitoso. Tabata tin splicacion di e Special Projects Aruba", presentacion di caha di orgel, gruponan di baile, reinanan cultural, kids corner, Workshops y finalizando cu presentation di baluartenan y entrega di buki Canashito entre otro.

Baluartenan cu a wordo honra tabata Agripino Rolando Bisslick, Roly pa su historia di nacion, Dr. Jennifer Geerman Tromp, "June" docter di cas cu ta haci hopi trabao voluntarionan pa su patientnen y diferente instancia. Donald Bernardo Christiaans, pilar di Misa Catolico na Savaneta y 45 aña sirbiendo e pueblo den area di iglesia, Haime Angela cu a yuda lanta e barrio di savaneta y conoci riba tereno di politica, Jose Francisco Wever, Buchi Panama, fundador di Lifidam, e liga infantil di futbol cu muchanan fo r di 4 aña di edad, Reinaldo M. Kock, Ronny, pa su dedicacion a musica, e "Arubiano Blanco" di steelband manera pioneronan di steelband na San Nicolas tabata yam'e.

Chastity Kock - Hodge pa sum as di 20 aña trahando cu mucha y hobennan riba teno di modelahe, baile y cultura musical, Ana Leonor Kock-Herrera, pa su logronan den arte di poesia y pintura, kende su obra a wordo manda pa Papa Pio XII y aparece den mozaik v.d Nederlandse Antillen, y su participacion na Carifest 72, Cesar Olarte pa su exito riba terenomusical, canto y aparcionnan internacional ganando Grammy Latino cu e banda son Famia di Chichi Peralta, Rosendo Colina dos biaha campeon mundial di Pesca cu Harpun sin tanki y instructor dilandamento di Roly Bisslick, tambe tabata co-fundador di FTA, y Adolf Dufi Kock, escritor, historiador baluarte savanetero.